

**UNIVERZITET U BIHAĆU
PEDAGOŠKI FAKULTET**

PRAVILNIK O TERENSKOJ NASTAVI

Bihać, maj 2013.

Na osnovu člana 33. Zakona o visokom obrazovanju USK-a ("Sl. glasnik USK-a", broj: 8/09) i člana 104. Statuta Univerziteta u Bihaću, Nastavno-naučno vijeće Pedagoškog fakulteta na 8. redovnoj sjednici u ak. 2012/13. godini održanoj dana 14. maja 2013. godine, donosi slijedeći

PRAVILNIK O TERENSKOJ NASTAVI NA PEDAGOŠKOM FAKULTETU UNIVERZITETA U BIHAĆU

I. OPĆE ODREDBE

Član 1.

Pravilnikom o terenskoj nastavi na Pedagoškom fakultetu Univerziteta u Bihaću (u daljem tekstu: Pravilnik) bliže se reguliše organizacija terenske nastave prema nastavnim planovima i programima, troškovi i finansijske obaveze.

Član 2.

Terenska nastava dio je obaveze studija koja se provodi u skladu s odobrenim nastavnim programima i planovima rada za pojedine studije koji se organiziraju i izvode na Pedagoškom fakultetu Univerziteta u Bihaću (u daljem tekstu: Fakultet).

II. TERENSKA NASTAVA

Član 3.

Terenska nastava prema nastavnim planovima studija Fakulteta izvodi se najviše do 30 dana u toku kalendarske godine raspoređenih po godinama studija.

Metodičke terenske vježbe se organiziraju za studente Odsjeka za tjelesni odgoj i sport i to za predmete: Skijanje I i Skijanje II, Logorovanje i planinarenje i Plivanje.

Član 4.

Odsjeci koji nastavnim planom imaju predviđenu terensku nastavu do 30. septembra tekuće godine podnose prijedlog o organizaciji, izvođenju i finansijskome planu terenske nastave u idućoj godini dekanu.

Prijedlog iz prethodnoga stavka sadrži:

- odgovarajući izvod iz studijskoga programa,
- svrhu, mjesto održavanja i termin održavanja terenske nastave,
- broj studenata obuhvaćenih terenskom nastavom,
- broj nastavnika koji izvode terensku nastavu,
- finansijski plan.

III. TROŠKOVI TERENSKE NASTAVE

Član 5.

Troškovi terenske nastave sufinansiraju se iz budžetskih sredstava, vlastitih sredstava, donacija Univerziteta u Bihaću (organizacione jedinice Pedagoški fakultet) u skladu s odredbama ovoga Pravilnika.

Član 6.

U troškove nastavnika uključuju se:

- troškovi prijevoza do visine cijene putne karte autobusa ili troškovi prijevoza osobnim automobilom u slučajevima kada javni prijevoz ne postoji,
- naknada za noćenje do cijene u hotelu s tri zvjezdice,
- dnevnice.

Ako Fakultet organizira zajednički prijevoz do mjesta održavanja terenske nastave i natrag, nastavnik nema pravo naknade putnih troškova iz stava 1. tačke 1. ovog člana. Sve druge troškove prijevoza iznad visine naknade za organizirani prijevoz snosi nastavnik. U slučajevima kada se terenska nastava organizira na područjima gdje nema organiziranog javnog prijevoza može se koristiti unajmljeno terensko vozilo ili službeno vozilo.

Član 7.

Pravo iz člana 6. nastavnici ostvaruju prema ovim kriterijima:

- za skupinu do 20 studenata – jedan nastavnik,
- za skupinu do 40 studenata – dva nastavnika,
- za skupinu veću od 40 studenata – tri nastavnika.

Za metodičke vježbe skijanja, logorovanja i plivanja broj nastavnika se određuje prema standardima izvodjenja metodičkih vježbi (10 studenata jedan nastavnik).

Iznimka je terenska nastava u sklopu ljetnih škola ako je pohađa 20 i više studenata.

U tome slučaju pravo na naknadu troškova ostvaruju najviše četiri nastavnika.

NNV Fakulteta imenuje voditelja puta koji se brine o organizaciji terenske nastave.

Član 8.

Troškovi terenske nastave studenata obuhvaćaju: troškove prijevoza studenata snosi Fakultet u punom iznosu.

U troškovima terenske nastave studenata ne priznaju se drugi materijalni troškovi.

IV. OSTALE ODREDBE

Član 9.

Studenti i nastavnici tokom terenske nastave trebaju biti osigurani za slučaj nesreće. Osiguranje pokriva Fakultet.

Član 11.

Terenska nastava koju organiziraju odsjeci Fakulteta, a nije predviđena programom studija, može se organizirati i provesti uz suglasnost NNV-a i dekana.

Troškovi terenske nastave iz prethodnoga stava ovoga članka mogu se sufinancirati o čemu Odluku donosi NNV i dekan Fakulteta.

Član 12.

Sve financijske obaveze Fakulteta koje proizlaze iz članaka 6. do 8. ovoga Pravilnika podmiruju se proporcionalno ukupnim troškovima terenske nastave predviđenim u skladu s ovim Pravilnikom, te u skladu s osiguranim sredstvima u sklopu cjelovitoga iznosa Fakulteta i Univerziteta u Bihaću.

Troškovi terenske nastave iz člana 6. do 11. ovoga Pravilnika mogu se sufinancirati i iz:

- sredstava odsjeka za materijalne troškove,
- vlastitih sredstava Fakulteta,
- sredstava odsjeka za osobne potrebe,
- sredstava projekata,

- sredstava doktorskih studija,
- donacija,
- i drugih izvora.

V. PRELAZNE I ZAVRŠNE ODREDBE

Član 13.

Izmjene i dopune ovog Pravilnika donose se po istom postupku po kojem je i donijet Pravilnik.

Član 14.

Ovaj Pravilnik stupa na snagu danom donošenja od strane Nastavno-naučnog vijeća Fakulteta.

Pravilnik će biti objavljen na oglasnoj ploči Fakulteta i službenoj web stranici.

**UNIVERZITET U BIHAĆU
PEDAGOŠKI FAKULTET**

Broj: 0204- 1164 /13

Datum: 14. 05. 2013. god.

**PREDSJEDNIK NNV-a
D E K A N**

.....
Prof. dr. sc. Nijaz Skender

Ovaj Pravilnik objavljen je na oglasnoj ploči Pedagoškog fakulteta Univerziteta u Bihaću dana 15. 05. 2013. godine.

**PREDSJEDNIK NNV-a
D E K A N**

.....
Prof. dr. sc. Nijaz Skender